

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
KANTONALNI ŠTAB CIVILNE ZAŠTITE**

Broj: 15-40-4-3326-20 /20
Bihać, 02.04.2020. godine

Na osnovu člana 108. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10), člana 29. Pravilnika o načinu rada i funkcioniranja štabova i povjerenika CZ („Službene novine Federacije BiH“, broj: 77/06, 05/07 i 42/14), te Odluke o proglašenju stanja prirodne nepogode na području Unsko-sanskog kantona, broj:03-017-1532/2020 od 20.03.2020. godine, i Naredbe Federalnog štaba civilne zaštite broj: 12-40-6-148-69/20 od 30.03.2020. godine, Kantonalni štab civilne zaštite na sjednici održanoj dana 02.04.2020. godine, donosi:

N A R E D B U

I

Određuje se objekat Sportske dvorane Medrese „Džemaludin ef. Čaušević“ u Cazinu, koji raspolaže sa sanitarnim i drugim uslovima, za prinudnu izolaciju za osobe koje ne postupe po rješenju nadležnog organa kojim se određuje mjera izolacije, za područje Unsko-sanskog kantona.

II

Zadužuje se Kriznim štab Ministarstva zdravstva, rada i socijalne politike Unsko-sanskog kantona da imenuje odgovorno lice i potreban broj saradnika različitih profila (zdravstvene usluge, logistike, održavanje i drugo) koje će rukovoditi radom objekta za prinudnu izolaciju, te preduzimati potrebne aktivnosti na osiguranju svih potrebnih sanitarnih, zdravstvenih i drugih uvjeta boravka osoba na koje se Naredba odnosi.

Posebnim uputstvom/instrukcijom Krizni štab Ministarstva zdravstva, rada i socijalne politike Unsko-sanskog kantona će urediti jednoobrazno postupanje policijskih službenika prilikom sprovođenja lica na koje se Naredba odnosi, a kojom će se obuhvatiti i obavezna medicinska trijaža lica u najbližem domu zdravlja prije sprovođenja u objekat za prinudnu izolaciju.

III

Odgovorno lice iz tačke II ove Naredbe će se brinuti o kućnom redu u objektu za prinudni smještaj, te će ažurno i tačno uspostaviti i voditi „Evidenciju lica kojima je određena mjera prinudne izolacije na području Unsko-sanskog kantona“, koja treba da sadrži: redni broj; ime, prezime, JMB i adresu boravka ili prebivališta lica na koje se Naredba odnosi; datum i vrijeme prijema lica; broj, datum i donosioca rješenja kojim se određuje mjera izolacije; vremenski period za koji je određena mjera izolacije; zdravstveno stanje lica koje se prima; datum i vrijeme otpuštanja lica.

IV

Zadužuje se Uprava policije Ministarstva unutrašnjih poslova da, u okviru svojih nadležnosti, vrše sprovođenje lica na koju se Naredba odnosi i predaju odgovornom licu iz tačke II uz sačinjavanje odgovarajućih potvrda i zapisnika o sprovođenju, odnosno predaji lica.

V

Ministarstvo unutrašnjih poslova propisat će posebne obrasce za sprovođenje i predaju lica u izolatorij iz tačke I ove Naredbe

VI

Zadužuje se Uprava policije Ministarstva unutrašnjih poslova, da vrši osiguranje objekta iz tačke I ove Naredbe, u okviru svojih nadležnosti i o tome sačini poseban plan osiguranja.

VII

Ova Naredba stupa na snagu danom donošenja.

KOMANDANT KANTONALNOG ŠTABA
CIVILNE ZAŠTITE USK

mr. sci. Mustafa Ružnić

